

靈寶領教濟度金書卷之六十

發二

靈寶領教濟度金書卷之六十

發三

洞微高士開光救苦真人竊全真授

靈寶通玄弘教水南先生林靈真編

科儀立成品

淨供
合用

玄都大獻玉山淨供儀

靜默堂序立

華夏引至大道前

上香長跪

具位臣某誠惶誠恐稽首頓首再拜上言臣

聞三寶開圖散元精於萬有九霄御運宏妙

粹於羣靈受中而覺海虛圓語上而真源澄
湛初無盈縮奚有升沉自業風鼓既倒之瀾
與毒霧籠再馳之駕禍淫福善昭經緯以無
私惡盈益謙煥陰陽而不忒四生輪轉六道
循環匪由提拯之恩曷免沉淪之苦今有齋

發二

主其人依依博物切切同仁念形逐業遷性
本中涵於祖炁命隨塵報神非外爍於靈光
倘凝定水以清明期泮冰山而開悟敬涓吉
旦恭啓清場修奉玉山淨供上奉

三寶中供千真下賚神靈旁資品類俾離惡

趣永依上聖之慈光庶發善根照破下愚之
塵暗頓造無爲之妙永超空色之機金馬朝
馳已負丹章而露奏玉龍夕迅諒頒玉簡以
風行承德虛玄宣恩鬱絕今則蘭場已備藥
範將宣不勝懇切之情僭瀝便蕃之悃欲望

元尊錫慶大道流光嘯命仙曹各昭宣於民
欲勅制靈局均寅亮於天工容臣會道運元
存神合景羣靈受度如細雨密霧而來庶類
回光皆飛空步虛而去遂齋主皈依之悃副
微臣開度之忱臣下情無任懇祈之至謹言

十方靈寶天尊

引至斛前 灑淨

普獻頌

普獻無邊聖 香烟散十方 願乘七寶臺

垂光五濁世 運度人天眾 咸令上法橋

卷二

同會證無為 勤修不退轉

宣降真召靈符

祝香

具位臣某謹焚寶香供養

太上无極大道虛无自然元始天尊妙无上

帝虛皇玉晨大道君妙有上帝萬變混沌玄
元老君至真大帝東極青玄老君太乙救苦
天尊運明保元上帝玉清神霄真王長生大
帝南極真王朱陵大帝九微太真青童玉明
大道君紫微元靈青金丹皇大道君九霄自
然生神帝君靈寶三十二天帝君五老四梵
十極十華諸天上帝太陽鬱儀帝君太陰結
璘元君五方五德上真道君北極九府玉晨
君南辰六闕上道君周天經緯列宿星君三
元三官大帝君玄中大法師靜老天君三天

大法師六合高明大帝靈寶經籍度三陽開
泰玄樞機三省諸相天君九天諸司真君天
曹諸司真君上清黃籙院使真君南昌上宮
朱陵火府主宰高真青玄黃籙左右府主宰
真君九天普度院主宰真君南天度人不死
發二
尊神南極長生大君好生韓君丈人度世司
馬大神迴骸起死監生大神靈寶玄局施用
仙曹三界所向仙曹聖衆三洞四輔經籙法
教上聖高真祖師玄一玉輿真人寶輿真人
綠輿真人太極左宮仙公冲應葛真人玄壇

受事諸省府院司仙靈官吏五嶽五帝真君
五天聖帝洞天福地名山大川靖廬浴化仙
官主宰本靖祖玄真師列位真人經籍度師
列位真人北陰玄天酆都大帝水府扶桑大
帝地府十殿真君九壘六洞諸司冥官四海
四瀆三江九河溟泠大神五道大神北冥執
職曹僚掾吏九州社令司主者十方道都大
主者城隍里域遠近廟貌無鞅神衆齋主家
土地司命六神虛空應感鑒察威靈太歲尊
神四直功曹三界符使願運慈悲俯旌懇款

臣聞函三御炁敷龍漢之慈雲得一分靈散
鶴鳴之法雨玉宇徘徊於碧落金書羅絡於
黃垓丹谷流精陽耀生神之妙玄關御景陰
飛死炁之華陶冶八圓範圍九邈伏念臣鴛
班綴武鳳檢頤真坤兔乾烏胤偃月虛无之
寶坎龍離虎結明霞恍惚之珠凝九室以神
交步三田而炁混心期霄映迹尚塵遊誓弘
領教之宗庸勵度人之澤庶裨洪造密證玄
功今有齋主某人恭啓瑤壇恪遵瓊笈希金
闕洪恩之被開玉山大獻之筵仰格聖賢希

均提於化化俯徼品彙冀咸證於生生屬茲
蘭篆氤氳蓮輝暎藹萬象湛璇霄之影九華
沈玉籟之音寶梵開玄金章演妙羣靈覓望
欣道岸之將登庶類雲從徯法橋之穩駕欲
望聖神廣運智慧旁周流梵炁以迴旋舒真

發二

四

光而徧覆祥烟耀景神奇融霞饌之珍甘露
流華聖化映雲厨之妙彌綸六合鬱勃十方
開陰壘以提魂闢陽隅而召魄池明八解爲
沐浴於形儀服映三光俾莊嚴於容止靈芽
灌而百關炁續玄芝餌而五臟神寧豁七世

之昏蒙解三生之冤對南丹陽燧鬱儀舞鳳
以陶情東井方諸結璘飛龍而淪性竟超凌
於地域快容與於天衢無任罄芹恪祈采菲
臣不勝瞻聖望恩激越俟命之至清衆運誠
關行法事

十方靈寶天尊

衆誦大行梵炁章

三遍

大行梵炁

周迴十方

中有度人

不死之神

中有南極

長生之君

中有度世

司馬大神

中有好生

韓君丈人

中有南上

司下司錄

延壽益算 度厄尊神 迴骸起死 無量度人

今日校錄 諸天臨軒

宣大行梵炁符

大聖元始天尊 向乾方

至心奏啓玉清聖境元始天尊妙无上帝願

發二

五

賜慈悲之澤昭垂應感之恩普放神光降流
真炁灌注玉山大獻清淨法食之中攝化無
窮神變莫測瓊漿寶飯異果竒葩非色非香
非空非假祥雲甘露絲霧瑞煙應念充周隨
感飽滿上奉 薰三界真靈不封軒外曰資品

諸天尊帝中熏三界真靈下供神祇回資品
類俾令六道幽靈受食等眾形神俱妙定慧
雙圓大聖大慈清微天寶君无上尊

宣清微天符

元始洞空无

三元精上門

紫翮煥太空

四明植靈根

妙化發東瓊

三便啓西崑

皓映九玄清

五華帶錦雲

離羅煥神燈

七星耀北元

飄飄上清畿

翼翼帝一尊

落落高上章

羽童何紛紛

流香本無色

洞入萬仙羣

左迴三流劫

右轉九天關

雲華纓玉靈

八風舞空輪

四時無停機

青白早明分

九九改劫運

三三度一春

天地有終會

否激歸在翻

洞明正一法

巖終六天文

太平返空无

奉翊後聖君

大聖靈寶天尊

向良方

至心奏啓上清真境靈寶天尊妙有上帝願
賜慈悲之澤昭垂應感之恩普放神光降流
真炁灌注玉山大獻清淨法食之中攝化無
窮神變莫測瓊漿寶飯異果奇葩非色非香
非空非假祥雲甘露綵霧瑞煙應念充周隨

感飽滿上奉

諸天尊帝中熏三界真靈下供神祇旁資品
類俾今六道幽靈受食等衆形神俱妙定慧
雙圓大聖大慈禹餘靈寶君无上尊

宣禹餘天符

發二

六

靈風起西門

錦雲生東瓊

二炁煥玉洲

流香乘煙輕

五華披風散

倏歛朗九清

騫林耀朱日

黃華逐月生

中有採芝童

衣羽帶飛青

颺景萬嶺峯

逍遙宴綠輶

總御九空輪

運開無稽程

左命三天文

右攝六天兵

檢炁返空洞

天度應運傾

劫運自有會

誰測敗與成

洪波淪雲網

六合無遺形

白尸飄長流

孤魂因復零

悲此去來際

方覺正法明

至學加精修

東華結瓊名

欣有白簡人

相與樂太平

大聖道德天尊

向離方

至心奏啓太清仙境道德天尊至真大帝願
賜慈悲之澤昭垂應感之恩普放神光降流
真炁灌注玉山大獻清淨法食之中攝化無
窮神變罔測瓊漿寶飯異果奇葩非色非香

非空非假祥雲甘露綵霧瑞煙應念充周隨
感飽滿上奉

諸天帝尊中熏三界真靈下供神祇回資品
類俾今六道幽靈受食等衆形神俱妙定慧
雙圓大聖大慈大赤神寶君无工尊

發二

七

宣大赤天符

洞關運天罡

三炁轉三微

紫戶吐瓊簡

玉閣照靈珠

重樓耀精彩

金門納神輝

八會交真風

晃朗重門開

天際九清外

落落高神回

三色返空无

四候應玉圻

河侯已鼓筆

五行潛相推

六度無終劫

運極乘炁歸

萬魔羅天布

羣雄競吐威

兆人負災衝

積尸令人悲

妙哉正法文

履劫明不衰

至時相奉迎

契在九天扉

與爾期太平

放身無翼飛

大聖東華天尊

向東方

至心奏啓東方自然八天上帝願賜慈悲之

澤昭垂應感之恩普放神光降流真炁灌注

玉山大獻清淨法食之中攝化無窮神變罔

測瓊漿寶飯異果奇葩非色非香非空非假

祥雲甘露綵霧瑞煙應念充周隨感飽滿上
奉
諸天尊帝中熏三界真靈下供神祇回資品
類俾今六道幽靈受食等衆形神俱妙定慧
雙圓大聖大慈青靈九炁君无上尊

宣東方八天符

東華吐靈鳳

西宮和瑤音

二炁結空洞

太虛生中心

靈書披七條

寶文翠碧林

鳳歌逐天響

六時應節吟

上有度命童

煥夜朗長陰

萬劫保形明

渺渺莫能尋

長鍊不死年

與運同浮沉

日月照靈魂

璇璣回東南

九星落形影

寶華生五心

自有不凋神

與我契丹金

赤書檢籍炁

玉訣妙自陳

朱宮有錄籍

魔神莫能侵

大聖南極天尊

向南方

發二

八

至心奏啓南方自然八天上帝願賜慈悲之
澤昭垂應感之恩普放神光降流真炁灌注
玉山大獻清淨法食之中攝化無窮神變周
測瓊漿寶飯異果竒葩非色非香非空非假
祥雲甘露絲霧瑞煙應今充周隨感飽滿上

奉

諸天尊帝中熏三界真靈下供神祇回資品
類俾今六道幽靈受食等衆形神俱妙定慧
雙圓大聖大慈丹靈三炁君无上尊

宣南方八天符

絳雲翠羽虛

靈風拂太微

遼遼六炁降

渺渺吐靈暉

乘我日中影

振轡順天迴

朱童披靈夜

洞陽鍊落暉

玉章度促年

靈歌五神開

長限無絕景

一念入九圍

億劫超幽期

華命不凋衰

飛天披重關

南宮朗凶機

朱陵定絳籍

神備便形飛

七祖上生天

福德高巍巍

轉輪空洞魂

出我九玄扉

夜景披朝陽

飄飄乘運歸

大聖西靈天尊

向西方

至心奏啓西方自然八天上帝願賜慈悲之

發二

九

澤昭垂應感之恩普放神光降流真炁灌注

玉山大獻清淨法食之中攝化無窮神變罔

測瓊漿寶飯異果竒葩非色非香非空非假

祥雲甘露綵霧瑞煙應念充周隨感飽滿土

奉

諸天尊帝中熏三界真靈下供神祇回資品
類俾令六道幽靈受食等衆形神俱妙定慧
雙圓大聖大慈皓靈七炁君无上尊

王山天宣西方八天符

琨臺生琅音

王炁遐九冥

寶章洞太虛

攝真入無形

錦雲翠朱日

圓華逐月生

混合自然炁

迢迢九遐清

六慧純梵行

五神有高靈

絳宅耀朱景

萬劫不凋零

長存好生君

太一合黃寧

保命度符籍

鍊魂金華庭

引歸不死炁

飄飄乘運生

七玄入南宮

枯骸更鮮榮

長樂登雲浮

高飛戲綵輶

逍遙大羅外

三界莫能輕

大聖北真天尊

向北方

至心奏啓北方自然八天上帝願賜慈悲之
澤昭垂應感之恩普放神光降流真炁灌注

玉山大獻清淨法食之中攝化無窮神變罔
測瓊漿寶飯異果竒葩非色非香非空非假
祥雲甘露彩霧瑞煙應念充周隨感飽滿上
奉

諸天尊帝中熏三界真靈下供神祇回資品

類俾令六道幽靈受食等衆形神俱妙定慧
雙圓大聖大慈元靈五炁君无上尊

宣北方八天符

飛步入北清

把真招上元

乘景望玄臺

四華生錦雲

中有採生童

羽衣何紛紛

發二

十

長歌九命籍

金籙赤書文

十絕遶華庭

飄飄度命幡

綠蓋乘風迴

丹霄拱瓊軒

爲我造上皇

拔錄九夜門

度命朱陵闕

長保億劫春

留神營絳府

赤子明玄關

形受不死炁

自然生寶魂

七祖度南宮

世生福慶門

梵炁彌羅天尊

三景靈芒既敷華而耀彩諸天妙炁復飛煥
以流輝鬱藹瑤壇翁冥寶供謹請

玉山大變神王六龍普變靈官溟濊大梵靈
官密運神通廣施變化蘭場洞朗十方影映
於帝珠芝饌森羅萬水光涵於璧月大無外
而小無內此不往而佞不來渺渺大羅高列
馨香之法味塵塵刹上遍陳清淨之芳筵寂
照含虛潛昭應現萬靈森布一念交融空洞

內音虔誠宣誦

當職持水領法眾旋遶斛延

焚光明玉字 無量數

眾念 五十遍

宣婁阿耨 無怨觀音 須延明首 法攬菩曇

卷二

十一

稼那阿弁 忽訶流吟 華都曲麗 鮮菩目臻

答落大梵 散煙慶雲 飛灑玉都 明魔上門

無行上首 回蹠流玄 阿陀龍羅 四象吁員

南閻洞浮 玉眸詵詵 梵形落空 九靈推前

澤洛菩臺 綠羅大千 渺莽九醜 韶謠緣遶

雲上九都

飛生自騫

那育郁馥

魔羅法輪

靈持無鏡

攬姿運容

馥朗廓奕

神纓目宮

刀利禪猷

婆尼咎通

宛敷滌色

太渺之堂

流羅梵萌

景蔚蕭嶠

易邈無寂

宛首少都

阿濫郁竺

華莫延由

九開自辯

阿那品首

無量扶蓋

浮羅合神

玉誕長桑

栢空度仙

獲无自有

九日導乾

坤母東覆

形攝上玄

陀羅育邈

渺杰合雲

飛天大醜

總監上天

沙陀劫量

龍漢瑛鮮

碧落浮黎

空歌保珍

惡奕无品

洞妙自真

元梵恢漠

幽寂度人

變化無盡天尊

變食

蘇陀抹味天尊

高功行丹陽太極施食祕法

衆官就坐

弘濟無邊天尊

道炁敷羅靈光昭徹豎窮三際芳筵象六甲
之厨橫亘八紘妙饌泮九光之景仰蒙帝力
俯運神功俟聖真應願以來臨流恩回施庶
品類隨心而具足戴德高躋曾冀仁慈恪垂

明鑒

十方靈寶天尊贊引向門外序立

上香

伏以三界惟心造升沈之關鍵昭然六根由
意生迷悟之機緘蔚若自黑業循環於蟻磨

卷二

十二

致紅塵顛沛於蛾燈興言惡道之堪悲莫越
幽途之極苦銅關檢繫悲風振而億劫酸辛
鐵壘羈維昏煙暗而垓齡熱惱一晝一夜萬
死萬生茫茫冥路之沈寥寂寂陰津之悽慘
是以神霄內禁符頒破獄之春妙巖東華職

建出冥之旦期提苦趣均證樂鄉今有齋主
其人修崇玄都大獻玉山淨供普奉千真回
資六道切慮地獄種類寒庭水閉夜壑牢關
憑太一之真光張門毀鎖破大千之垢暗啓
道開肩惟琅音揚東極之尊而瓊檢開北艷
之閭威神救苦慧力垂慈宜敷蟻悃以勤渠
恪冀龍恩而鑒映尋聲有感應念無邊法衆
運誠至心奏請

請太乙

仰惟九幽教主十極導師開甘露門御太无

而回祖炁映祥煙戶提妙有以煥神光為天人福慧之師作幽顯慈悲之父願旌激切曲副忱恂為駐蹕於紫虛恪開關於黑鬱今有齋主某人修奉

玄都大獻恩希金闕供闢玉山徼萬聖以傾

發二

十二

光施羣靈而破暗雲迷陰壑游精縻澤壘之巖月慘冥途飛爽阻關津之滯莫普歆於蘭饌難旅覲於芝壇欲望放百寶光明煥龍章而破獄勅九司官吏宣鳳篆以開幽庶得泉曲春生羅豐陽祭鬼官敬聽無拘留逼合之

憂驛吏恭承有侍衛送迎之喜懇祈切切應
感昭昭法衆運誠讚揚功德

太乙救苦天尊

翠華迅景綵仗乘空應化分身廓九幽而照
夜飛靈合景精一念以開春謹召青玄破獄

一行符吏疾赴玄壇乘慈尊祖炁真光隨我
神運直下羅酆破蕩地獄提攝苦魂

宣破獄符

茫茫艷都中 重重金剛山 靈寶無量光
洞照炎池煩 亡者身光明 朝禮玄元壇

升神超碧漢 童子導靈幡

太乙救苦天尊

玉毫耀彩金景騰輝七混五成提冥鄉而御
景六通四闢廓幽路以開程謹請五方五靈
主方隅神疾赴玄壇乘慈尊祖炁真光隨我
神運普告關津開闢道路接引幽魂

宣開闢符

玉清靈寶光

洞照三途中

微微開業道

來往交相通

東華元命至

倏忽無留蹤

生神超大羅

遊宴三元宮

太乙救苦天尊

五方啓重圍之扉形魂部衛六甲開冥關之
徑體魄徼迎皆獅座攝以威光故犴室乘茲
梵炁經華緯祭明檢於嶽瀆羅泉陽耀陰靈
嚴攝於水陸郵驛旣四門之無阻宜萬類之

卷二

十四

俱臨行役仙曹庸提滯識俾神朝於北闕而
魂鍊於南宮惟冀慶雲開生慈風起死俯駐
碧落之景宏施黃壤之恩臣下情無任激切
懇祈之至

十方靈寶天尊

衆官就坐

伏以陰陽化化之機風行三極天地生生之
德雲蔭八遐流祖炁於清曹敷神功於玄局
玉符飛煥開九壘之春陽金景旋浮廓三途
之晝景飛龍迅而雄守雌抱神虎運而陽攝
陰提肇宏紫極之恩丕闡黑鬱之苦巍巍大
範奕奕洪恩今有齋主某人開玉山之法筵
宣瓊臺之祕範上奉千真萬聖回資六道四
生顧惟陟降殊途顯幽異路耀陽光而度命
已藉三華赴陰澤以提魂晝資列將茲也宸

輝璀璨梵唱琳琅九幽彰毀鎖之威十方奮
開關之武盍徼萬類均會一乘宜伸召役之
儀庸契精誠之切太極丹篆次第宣行

八門開度天尊

謹召玄虛掌六道功曹疾赴玄壇恭領符命

發二

十五

隨我神運催召天仙道神明道人倫道地獄
道餓鬼道畜生道一切之衆速攝速至風火
無停伺候天恩普受開度

宣召六道符 六道

元炁幽微 玄梵恢張 混茫空徹 赤文丹章

朗昭洞妙 萬化滋彰 帝心慈慧 恩流元疆
宸輝敷耀 靈爽飛揚 玉符所召 六道來翔

八門開度天尊

謹召玄虛掌四生使者疾赴玄壇恭領符命
隨我神運催召胎生卵生濕生化生一切之
衆速攝速至風火無停伺候天恩普受開度

宣召四生符 四道

玄恩赫赫 太極流營 稟令妙粹 彌綸生成
洞觀烝化 宇宙充盈 雨露涵育 齊企善征
天光流煥 萬象精明 玉符所召 四生飛英

天衣冠然八門開度天尊

謹召十方道都大主者疾赴玄壇恭承符命
隨我神運催召東西南北四維上下滯爽孤
魂一切之衆速攝速至風火無停伺候天恩
普受開度

宣召十方道孤魂符

慈惠溥浹 祖炁流輝 元始施化 窈漠玄機
十華三際 洞妙張施 沉淪迷途 玄鑒均齊
澤滂覆載 幽爽均提 玉符所召 徬徨來儀

八門開度天尊

謹召九州社令司主者疾赴玄壇恭領符命
隨我神運催召冀充青徐揚豫荆梁雍分野
滯爽孤魂一切等衆速攝速至風火無停伺
候天恩普受開度

宣九州孤魂符

發二

十六

慈恩凝妙 幽贊神功 九野遊爽 昭晰天光
陽開陰闢 經緯回藏 瓊章大有 飛煥八方
生死返復 乘晨希陽 玉符所召 罔敢不從

八門開度天尊

謹召掌城隍里域鄉界主者疾赴玄壇恭領

符命隨我神運
催召城隍里域
鄉界滯爽孤魂
一切之衆速攝
速至風火無停
伺候天恩普受
開度

宣召城隍里域鄉界孤魂符

陽光煥奕

陰景翳蒙

微茫郊畿

荒寂幽叢

游精遍浩

億萬無終

真機鼓推

乘炁委崇

固靈育粹

太極流通

玉符所召

陶沐玄風

八門開度天尊

謹召掌山林巖洞主者疾赴玄壇恭領符命
隨我神運催召山林巖洞滯爽孤魂一切之

衆速攝速至風火無停伺候天恩普受開度

宣召山林巖洞孤魂符

混沌空洞 溟滓彌羅 幽魂寂歷 玄澤光敷

山林巖洞 慘戚悲歌 元皇妙化 惠闡崇阿

游魂故炁 紛葩浩多 玉符所召 回返天和

發二

十七

八門開度天尊

謹召掌溪澗泉源主者疾赴玄壇恭領符命
隨我神運催召溪澗泉源滯爽孤魂一切之
衆速攝速至風火無停伺候天恩普受開度
宣召溪澗泉源孤魂符

陰寥泉曲 悽惻寒池 冥海幽寂 浩劫無期
伏尸沈滯 夜景哀悲 元始曲映 宸恩密移
和陽明奕 洞煥仙飛 玉符所召 佩服天衣

八門開度天尊

謹召北魁玄範府倒生玄司七真玉女疾赴
玄壇恭領符命隨我神運催召十方三界盡
玄虛際七類傷亡一切之衆速攝速至風火
無停伺候天恩普受開度

宣七玉女符 七道

太一混元 玄司倒生 精列品類 流煥七星

真光蔭彩

幽景洞明

龍駟鳳御

雲旂虎旌

嘯呼林谷

提攝郊垆

玉符所召

遊爽來呈

八門開度天尊

謹召靈寶如意萬司五十七大神疾赴玄壇

恭領符命隨我神運催召十方三界盡玄虛

際二十四類傷亡一切之衆速攝速至風火

無停伺候天恩普受開度

宣召二十四類傷亡符

二十四道

赫奕如意

玄曹靈通

大神威儀

照耀天工

旁周溟嶠

窮極羅艷

羣爽沈寂

濟惠咸宗

靈光充盈 開朗昏蒙 玉符所召 十極艷隆

八門開度天尊

謹召九天普度院三十六真人三十六將軍

疾赴玄壇恭領符命隨我神運催召十方三

界盡玄虛際三十六類傷亡一切之眾速攝

發二

十八

速至風火無停伺候天恩普受開度

宣召三十六種傷亡符 三十六道

左雄右雌 魄陰魂陽 太一真光 流惠無疆

混洞彌羅 宇宙洋洋 遊精苦爽 震蕩天常

玄澤飛灑 灌沐朝陽 玉符所告 普赴靈場

八門開度天尊
列將宣威疾羅敷於雨露群靈後德願慶會
於風雲更冀本靖靈寶追攝總局諸省府院
司執職受事官吏主將其副將其護道其監
壇其同心協力宣化承流入地升天分形散
景詔告城隍里社催督水陸關津引領幽靈
均霑勝利

宣普召牒

我稟金符策役

玄曹普赴壇前

遍詣九幽十道

依準青律抽魂

上極太虛碧落

下洞寒壘風輪

嘯命山林泉曲

追呼寂隴荒關

靡間有主無主

流浪滯魄窮魂

水火刀兵疫癘

飢饉勞瘵親冤

搜尋普攝普召

急疾來現根源

寅領天恩回施

宏開甘露法門

聚形返復祖炁

水火變鍊自然

速徃速攝速赴

不許拒遏稽延

敢有叛逆壇律

三元黜降仙班

如違上清詔令

幽陰永墮無原

靈寶玄壇告命 雲程風火驛傳

八門開度天尊

靈寶領教濟度金書卷之六十

共廿

